

樞垣記畧

貞



03211

樞垣記略卷之十三

欽定四庫全書

不詳圖

欽定四庫全書

誥授中憲大夫分巡江南淮海河務兵備道置機

詩文二

裘行簡詩二十五首

上元後一日退直七峯別墅次馮玉圃前輩韻

春光滿蓬瀛生意盡融洽羣花蒙澤先含苞已防搯暖通
躍沼魚欣動臧池鴨町畦聚黃冠吉語興畚鍤土膏舊潤
滋又荷新恩恰千頃鋪銀燿輝映珠騰匣卽景摩鸞箋火
急追通劄王圃詩係直次促成者聲牙韻詰屈如灘聲轉峽律陣誰
樞垣記畧

卷十三

塞旗研焚余棄申退直得餘閒涉筆聊謔狎計日城南遊

花應盈擔壓

同程愛廬日直

儼直承明載筆俱五更鐘每聽紆徐羨君百斛才扛鼎媿
我三年仕濫竽過眼隙駒驚老大關心歸雁夢江湖尋芳
擬共城南去指點春光在畫圖愛廬有春深花覆讀書廬圖

隨從木蘭次馮玉圃前輩韻

匆匆誰唱贈行歌又度羊腸九曲河滿篋征衣餘野馬一
身生計倚封駢山連遠塞高低接人到中年聚散多去住

都爲官事繫

玉圃以纂書留京

尊鱸鄉味近如何

豹尾曾同扈從儔

仙莊橐筆日追遊

昨歲同玉圃隨從熱河

關心

夜燭兼晨漏賭唱長歌更短謳歲月只隨鷓鴣爪幻雲山又見雉媒秋黃花重九年年負選勝輸君醉墨留

灤陽中秋集戴蓮士太史寓齋次汪首禾前輩韻

丹嶂千重水一崖山川猶是歲時加舊遊似燕春尋壘小集如鷗晚聚沙袖裡詩篇堪作伴眼前風月不須賒明朝騎馬興州道又聽邊秋起暮笳

十六日進哨

題畫次程也園考功韻

樞垣記畧

卷十三

二

蠻箋十樣競抽毫律陣詞壇繼水曹舊雨重陪敲玉佩幾人得路賜緋袍

再直樞庭當日同事諸君多躋清要矣

誰憐老圃秋同淡漫

出商音語變騷珍重花期莫辜負城南沽酒費錢刀

五月十八日夜直

夜直分班各一遭年年橐筆占郎曹風傳更鼓天街迴星
傍觚稜月殿高蔭隔疎簾成薄醉涼生團扇効微勞流螢
點點綠堦砌伴我吟情映紫毫

九月趨直香山

瑤池蓬島景全收覽勝還登最上頭鏡裏樓臺分縹緲仙

家雲樹自清幽誰言官事無佳興畢竟勞人得壯遊多少
城南探菊客笑他只爲蟹螯留

次韻答沈舫西直廬

騷壇誰繼隱侯風家世原推八詠雄雨歇螭頭金錯落涼
生殿角玉丁東人緣當制摛詞典詩有真情和韻工想鴛
鴦肩閒灑翰鑪烟細裊墨池中

贈戴蓮士官庶

誰道文章可富身劇憐囊橐愈清貧諸生徧入東風座遙
海爭雄大雅輪知制誥階唐翰苑副樞密秩宋詞臣科名
樞相記畧

卷十三

三

不愧通才選落落前頭代幾人

次管韞山待御中秋夜直韻

搖鞭纔別古興桓鏘佩旋瞻豸角冠賦就秋聲人蘊藉燈
移蓮影地高寒九門夜肅黃金鎖 三殿光生白玉盤想
見烏絲揮彩筆幾回寫罷自尋看

元日直廬

祥開淑景紫雲鋪鸞序鴛行次第趨日麗元辰春已透人
傳吉語笑相呼鳴珂直散鑪烟靜謐

詔恩濃墨沼酥

直隸河南山東三省俱奉 恩旨展
賑於次日 頒發是日先期恭錄

自詠

小臣依

禁近太平無事筆先濡

樞廷事件皆標於冊日隨手登記元旦則裝釘

新冊敬書太平無事四字於冊端

疊前韻答沈舫西工部

花磚退直日斜晡步履年年

祕殿趨春入寶箋增跌宕

酒濃銅葉擬招呼放懷似我狂昔擲管因君潤欲酥爲

語東陽人太瘦淋漓大筆莫頻濡

五月二十八日直廬夜雨偶作

頓喜涼飈掃熱塵扶疎繞屋掛天紳攤書岑寂燈花暗問

夜慙勳漏滴真但見蠅頭鑽故紙幾曾車脚悔勞薪由來

樞垣記畧

卷十二

四

郎署容瀟灑何事馮公感嘆頻

雨夜懷程也園吏部錢裴山農部鮑樹堂中翰

青瑣芸香紫塞烟關情兩地一緘傳懷人動感三秋賦示

疾難叅五味禪

近以腹疾節飲食

以外窮通原自在此中勞逸各

隨緣

留京者每日寅入內閣聞灤河諸君頗暇

無端棖觸蕭蕭雨密樹蒼涼入

暮天

次錢裴山見寄韻

麗正門趨劍佩身仙才合奉

屬車塵隸傳程邈三千字

瑟鼓湘靈第一人

君工篆隸以鼓瑟希三句題試禮闈第一

今古抗懷高論劇

雲山到手臥遊真

兼工繪事

高城漸聽秋砧起我亦行裝檢點

頻

磨盾搗毫紫塞行由來能事屬書生人如社燕年年至居

似秋枰局局更

灤陽寓居向來前後班皆預爲指定互相更換

書譜詩脾閒裏趣

關風伏雨客中情我懷君日君思我兩地開緘四韻成

七月二十四日灤河起程作

一年一度代更番旅壁常看舊句存路繞重山迷向背秋

爭餘暑迭寒暄隴秦恍惚嚴軍令將帥頻仍沐

至恩慚媿小臣無報稱濡毫揮汗寫

樞垣記畧

卷十三

五

綸言

題舊存便面

此乾隆癸丑年西苑直廬同人書畫也後以筆敝裱

爲軟幅藏之笥中亦幾忘之矣今檢點書篋忽得此

幅因思馮實菴給諫已歸老錫山杜畷山侍御已作

古人程也圖考功以憂歸里盛孟巖侍御出守同州

錢裴山祠部督學粵西昨任滿回京復入樞庭而此

內未經與題者畷山所謂與之對奕之汪首禾今任

蘇州方伯與之同觀之素蘭畦今觀察關中孟巖所

謂先歸偃卧不及同觀之沈舫西今爲泰安太守癸丑距今甫十年俯仰間已不勝聚散之感率題二詩以誌慨嘆云爾

誰道煙雲易變遷煙雲滿幅尙依然只今筆墨聯同調故紙重看已十年

承明倬直聚郎官偶爾閒情感筆端離合浮蹤風雅事一時惆悵墨千丸

曾燠詩二首

木蘭從獵酬曹儷筓同年寄懷韻

樞垣記畧

卷十三

六

河如隴坂羊腸曲

木蘭有河名羊腸

天似穹廬雁塞寬曉拂霜華

千帳濕夜明獵火四山寒才非獻賦空操管

恩許分鮮每壓鞍不負此行緣底事丹崖碧樹飽經看

除夜 禁中宿直

斗柄初迴 鳳闕間松益徹夜照清班

九重眞覺春先到萬戶誰如我最閒南畝占年翻雪壤西師送喜過天山書生何補昇平業歲月催人鬢自斑

關槐詩二首

入直軍機處呈同直諸公

縹緲爐烟 禁籞春更番密勿掌絲綸起家詞賦皆先澤
報 國文章在此身遊侶祥麟威鳳集圖書朱戶綠窓陳
一從奉

召歸樞掖尺五天低雨露新

同邵海度吳槐江夜行蓮花套

山行百折躡層梯磴道盤旋入望迷驛嶺衝雲同走馬荒
村落月又鳴鷄五更清景三人共一望寒煙萬木齊差喜
行營封事少懸厓翠壁待分題

錢楷詩三首

樞垣記畧

卷十一

七

七峯別墅晚望

獨立蒼茫興不孤暫時塵眼對菰蘆滿天秋氣雨霏夜隔
岸人家燈照湖楊柳六橋碧活脫芙蓉兩角青模糊箇中
許著烏篷舫便泝煙波作釣徒

九日 靜宜園曉直

玉泉西去路遙迤馬上乘船趁早暉人海不知秋已老重
陽如此古來稀風驅落葉滿山響石迸流泉行逕微腰脚
非關萸菊健鞭絲還逐算鴉歸

和馮玉圃小除夕同夜直韻

榻列東西戶不扃一冬幾共此燈青學疎蒼雅繡書推言
盡韋絃破睡聽無事福同清鑲月舊遊塵憶玉堂鈴長安
爆竹千門響憑送春聲到 禁庭

吳俊詩十三首

七峯別墅雜詠

楸

城城似私語瑟瑟嘲孤吟赤日不到地暗蟲相追尋我夢
爾來擾我愁爾來侵勢欲開一畝羣枿爲之暗啾啾初生
烏十百巢其陰一雨淹半月濕龜不得燻而爾工簸弄蔽
樞垣記畧 卷十三

八

虧斗與參欲鋤且未可留以障炎祲

棗

兩見初花時今來復撥實倚梯升其顛百勞屨一逸舍人
腰腹瘦奉職載慄慄退直無一事食棗愈食蜜能令肝脾
調亦使頭髮漆欄邊捕螳螂石罅尋蟋蟀飽食自栩栩都
忘沐與櫛叮啷告園丁壅漑罔缺失須防根穴螻還恐皮
處蝨明年四五月花復照我室

松

窗前松兩株鱗脫爪則存亦欲自吟嘯失勢際難言毒枿

紛怒出簡管亦已蕃如何天矯姿因此籠與樊怒雨走霹
靂黑雲驚奔翻衆木盡瘖啞而能舞軒軒醅爾一杯酒寫
我心鬱煩

柳

絲疎不受柳條空不禁舞風月湊衆芳獨爾忝儕侶平生
煙霧姿能事在媚嫵一旦髡其顛焉能僞疎古入皆施斧
斤吾意頗未許引泉培其根伐莽壅以土夫豈真汝憐聊
用相存汝棄取了無與榮悴自其所稍稍腰肢成嫋然弄
春雨便有無窮人辛苦學張緒

樞垣記畧

卷十三

九

新年初至 西苑次玉圃韻

西山入新年漸與人意洽草木雖未華生氣已可搢東風
吹冰池得意是花鴨走車門麟麟坐鳥競恰恰霞林靺鞨
裝月館琉璃匣橐筆侍法從能事在草劄兩肩堆春嵐千
言寫急峽嘗醴温挾纈擘柚香透甲致身到蓬萊笑語仙
靈狎作詩誦太平五字疇我塵

七峯別墅月夜次玉圃韻

春月轉冥冥春燈獨自青假山半潭霧空水一房星樹迴
難爲影鐘疎不受扇同心鷗與鷺相伴語枯萍

形影神相贈松風淪我魂倦眠衾似衲公退屋如村燥吻
傾醪潤寒吟篝火溫偶然叅吐納兩手握關元

贈盛孟巖駕部

駕部作字不脫疆波磔細碎毫毛收指節力可挽萬牛清
絲入手亮以遒橫笛吹破天悠悠仰面飲露調其喉絲竹
不到喉所周文士簡默處女羞難進易退懷好修忽然搗
羽風颼颼三矢疊出應鼓枹譬若怒隼追清秋澗然有聲
蓋在侯

天子動色三諮諏虎賁觀者駭且愁引弓欲發還躊躇而
樞垣記畧

卷十三

十

君退出神夷猶握管依舊書不休大抵其人非世伴

七峯寓樓卽事

紅荷萬柄瀉珠圓翠柳千絲作舞便東沼夕陽西沼暝前
山決溜後山泉連翩踞雨中頻墊頃刻裁麻袖屢揜天與
吾曹小休沐蘆簾隔暑硯生烟

秋來賽食漢陂魚萬頃昆明浸碧虛水荇風蒲飛鳥外翠
筍清醕嫩涼初好風便旋常依馬斜漢翻瀾欲洗車身是
玉皇司案吏晚歸人羨屋渠渠

七峯別墅係賜漢章京散直憩息之所異數諸曹

所無也

雨後赴西苑

惺忪曉夢背秋城，乍有涼颺便旋迎。天放好晴娛薄宦，蟬吟殘暑誚勞生。駟如白鷺因機息，淡到青山是骨清。一沼圓荷兩堤柳，看番稍覺翠衣輕。

七峯別墅海棠一株余及見其繁今不花且萎矣

春風淒斷月縱橫，猶見當時照眼明。大抵不花還有魄，由來無命爲多情。曾迷坐樹鸞兒夢，依舊穿簾燕子聲。弱柳頑桃都得意，相將枯影傍南榮。

園中晚直

樞垣記畧

卷十三

十一

殿門側左繚垣，紆曉日松陰冉冉敷。乍可游仙難覓枕，偶因憶事輒亡珠。人將白鶴精神健，辭與青山體骨殊。身坐清巖無暑地，一更鐘漏動蓬壺。

程同文詩十三首

射圃落成紀事

在七峯別墅之西

劣容百丈規爲圃，掛甲屯西此一隅。草引顏垣曾過馬，樹遮晉井舊窺烏。百年興廢誰能料，兩月經營頓覺殊。散直蕭然有佳處，手成他日儻思吾。

襍被西園舊寓廬，近通一巷得幽居。井華足灑平莎徧，庭

蔭還因老樹餘牆外雲山隨隱露室中几榻自清虛時不
竊幸樞垣暇萬里飛馳少奏書

西苑觀同直諸友習射

困繫鹽車不自由竭來盤礴共吾儔狂呼角勝馬從馬生
力挽強牛戴牛酒實漏卮那易醉詩扛健筆未能休老夫
忽覺豪情減猿臂回思束髮秋

聞校射

御閱有期用前韻勛習射諸友

五射周人貢舉由有如對策勝其儔當今校此及鷓鷯於

樞垣記畧

卷十三

十一

古事非相馬牛官列扈從常得與習當倬直趁方休 上

方孔翠誰承

賜策騎榆關耀素秋

登前韻賀趙菊言吏部

盛奎

得翎

聖處能窺楚養由翩然儒雅渺無儔會心柔女俄穿蟻妙
手庖丁善解牛內定固應操百勝卓登久已歷三休得驍
眞博天公笑看取 宮門拜

賜秋

同日強綺園水部

逢泰

得翎索詩登前韻奉賀

褒忠奕葉

三恩由二十爲郎世寡儔 禁院邇來依五鳳勲階本合
佩千牛簪毫日直書先學匣劍宵鳴志未休校射 宮門
好身手時平絕塞罷防秋

七峯退直同梁茵林儀部作

罷直日移午解衣煩暑清窗閉少蠅集院靜未蟬鳴獨樹
剩天濶微雲當書明忘言似君少共此一編橫

夜出古北口道中避雨失路

月黑路西東林端虎嘯風鬼燈深夜碧野燒亂山紅雨脚
樞垣記畧

卷十一

十一

常山峪行帳夜半雷雨索茵林和

疾雷破山出驟雨橫空來殘暑勢猶盛得此大敵摧吾衰
尤苦熱披襟一快哉似聞僕夫歎登陟我馬頽睡美不復
問醒時雲已開卽須且并轡馬前月徘徊

送茵林出守荊州

梧桐生高岡託根貴得地駿足騁長坂遠到始吐氣因材
須彼蒼官人仰大智自非才命齊焉得時會值茵林我至
交相期久此意浮沈卽署間此豈造物意晨興拍手笑果

見除日至鳳池雖讓人黃堂官不細惟君特立操能球末
俗做惟君易簡德能溥斯民利旗常已有憑節鉞待所致
政成定做我冷官一無濟飛騰期故人樹立作大器不妨
我老衰側聞喜不寐

桓桓古南郡形勝天下雄往者戛戈刃戰氣妨春農承平
頗無事鎮守煩上公禁旅扼右臂度支甲南中重關控鄴
鄆權稅三巴通筦領非其人難免物議蔽此邦况澤國適
當江漢衝隄防歲勞費沙洲日穹崇秋濤壓城來往事堪
騰江保障非其人其魚歎焉窮變幻競鼠雀哀嗷多雁鴻
樞垣記畧

卷十三

十四

非威曷允濟非惠難爲功書生能了事上徹
耳目聰肯讓韓荆州虛聲獨隆隆

憶君始入直本無赫赫名貌簡言復訥資淺望尙輕要津
多俊異而君泊無營時賢喜通率而君靜自矜同儕動相
訝笑非用世英我獨心爲儀謂此非無能仕途日飢餓賢
者方錚錚正當資表率詎可加譏評况我喜談藝得君肝

膽傾鴻文各無範懷抱時崢嶸天山聞見奇史局丹黃精

君在方畧館纂修西域圖志及校勘
遼金元三史議論多與鄙見相合

公餘更矻矻楮墨尤

縱橫君退直後仍
手不釋卷

定知敷政優仕學能兼并嗟予離索居

何由慰怍怍報政君必速壯遊我或成青眼重高歌良會
歡平生

滂我識君初在嘉慶四年射策忝前塵蘭譜因牽連余與君從

兄曼雲編修爲已未會試同年是時君甫冠玉樹臨風前搏沙一再聚君

亦瀛洲仙比趨東華路尤欣形影聯君懷愈謙抑我乃甘

執鞭東擗遼海雲西踏關塞烟每行必並轡每食不敢先

惟君有恒德儕輩無間言君入樞庭最稱勤慎進止不失尺寸歷五年如一日余以有恒

稱之樞長及諸同人咸以爲允也周旋半廉讓盤錯彌靜專讓謖風在松

朗朗月印川但以才藝稱猶嫌所見偏一麾萬事來素纒

樞垣記畧 卷十三 圭

當畢宣我言非阿好行矣須勉旃

樞垣記略卷之十四

諸授中憲大夫分巡江南淮海河務兵備道置機章京臣梁章鉅

詩文三

王昶文二首

軍機處題名記

軍機處蓋古者知制誥之職其制無公署大小無專官直廡始設於 乾清門外西偏繼遷於門內與 南書房鄰復於 隆宗門西供夜直者食宿其大臣惟尚書侍郎被寵眷尤異者始得入然必重以宰輔其屬例用內閣中書樞垣記畧

卷十四

一

舍人舍人改庶吉士則不復入改六曹御史給事中遞遷卿寺至都察院副都御史內閣學士入直如故惟擢侍郎亦不復入間有以貴以廕爲郎得預者率大臣子弟爲然而張公若靄鄂公容安又以庶子侍講入直蔣公炳程公壽又以巡撫罷還京入直皆奉

特自行非故事也先是雍正七年青海軍事興始設軍機房領以親王大臣予銀印印藏內奏事太監處有事請而用之後六年

上卽位改名總理處乾隆三年王大臣請罷之

詔復名軍機處時大學士爲鄂公爾泰張公廷玉徐公本
蔣公廷錫按蔣廷錫未曾直軍機當是蔣溥之誤尙書爲海公望每被

旨各歸舍繕擬明日授所屬進之後大臣避專擅名乃令
所屬具草視定進呈自是擇所屬益精慎至大位者益

衆而

上賞賜亦異於庶僚紗緞餅餌果蔬時

賜歲暮

賜鹿肉諸物率以爲常以至

上所游幸無不從其職掌在恭擬

樞垣記畧

卷十四

二

上諭及內外臣工所奏有

旨敕議者各審其可否以聞又外臣章奏各書爲副以藏
之蓋 本朝

諭旨誥命其別有四凡批內外臣工題本常事謂之旨頒

將軍總督巡撫學政提督總兵官權稅使謂之敕皆由內

閣撰擬以進凡南北郊時享祝版及祭告山川與大臣死

事者祭葬之文與夫后妃宗室王公封冊皆由翰林院撰

擬以進然惟軍機處恭擬

上諭爲至要

上諭亦有二巡幸上陵經筵蠲賑及內臣自侍郎以上外臣自總兵知府以上黜陟調補暨曉諭中外謂之明發諸誠臣工指授方畧查核政事責問刑罰之不當者謂之寄信明發交內閣以次交於部科寄信密封交兵部用馬遞或三百里或四五百或至八百里以行其內外臣工所奏事經軍機大臣定議取

旨密封遞送亦如之內而六部卿寺暨九門提督內務府太監之敬事房外而十五省東北至奉天吉林黑龍江將軍所屬西南至伊犁葉爾羌將軍辦事大臣所屬迄於四

樞垣記畧

卷十四

三

裔諸屬國有事無不綜彙且內閣翰林院撰擬有弗當又下軍機處審定故所任最爲嚴密繁鉅昶以乾隆庚辰由中書舍人入直蓋八年於此矣中間平定準噶爾回部西北數十年之患一朝剴削殆盡仰見

聖天子武功旁魄超越萬古而時又開方略 國史三通

諸館昶皆爲斟酌條例用副

右文稽古之至意下至梵筴釋典隸於經咒館有所繙譯輒往討論故雖職事至繁竊以躬逢美盛爲大幸軍機處設立垂四十年尙無記前人性氏多忘軼不可考乃詢於

大宗伯張公泰開給事中明公善並以所聞於先輩者次第書之稱職與否可指數也詞詳而不殺者俛後世得以考見故實且著遭際太平之榮遇云爾

謹按此王蘭泉司寇軍機處題名記作於乾隆三十二年現編春融堂集中而題名迄未得見遍訪諸先輩亦無有能述之者或爲之而未成或已成而佚之俱不可知記中敘樞垣梗概畧具而現行事例未能盡詳章鉅旣爲廣搜博訪補輯題名三卷兼取數年來所聞所見所行之實就其大者輯爲規制二卷竊謂各部院案牘樞垣記畧

卷十四

四

類皆書吏經手司員寓目而已惟樞廷義取慎密有官而無吏除每日發抄之摺交方略館供事繕寫外凡收發文移登記檔案及奉

寄旨並

飭封存之件皆章京親自料簡其章程名目傳自先輩雖以各部院能事之員新入其中有不能驟解者今並爲分晰附著於此以備故實焉每日奏摺必於寅卯二時發下軍機章京分送各軍機大臣互相繙閱謂之接摺凡奉

硃批另有旨卽有旨及未奉

硃批者皆另貯黃匣交軍機大臣捧入請

旨謂之見面直日章京將本日所接奏摺所遞片單所奉

諭旨詳悉分載

硃批敬謹全載

諭旨及摺片則摘敘事由有應發內閣者皆注明交字應發兵部者皆注明馬遞及里數釘成巨冊以春夏二季爲一本秋冬二季爲一本謂之隨手凡繕寫明發

諭旨及各片單用六行格子繕寫寄信傳諭用五行格子

樞垣記畧

卷十四

五

每行皆二十字謂之現遞其有字數過長急須繕遞則令一人於草稿中截定行欵分紙速寫謂之點扣分寫畢仍糊而聯之謂之接扣交達拉密覆校後貯於黃匣送軍機大臣恭閱無訛始付內監遞進謂之述

旨經

硃筆改定者謂之過硃若有先期豫擬

諭旨繕寫後封存於匣以備屆期呈遞者謂之伏地扣其

恭遇

巡幸於首站呈遞者謂之下馬遞凡隨摺

諭旨交內閣漢票簽其不因奏請而特降者交內閣滿票
簽寄信傳諭由馬遞者交兵部有交各部院速議速辦
者卽專交各該部院皆使領者註明畫押於簿中謂之
交發凡抄摺皆以方畧館供事若係密行陳奏及用寄
信傳諭之原摺或有

硃批應慎密者皆章京自抄各摺抄畢各章京執正副二
本互相讀校卽於副摺面註明某人所奏某事及月日
交不交字樣謂之開面直日章京將本日所接各直省
原摺各歸原函繳入內奏事處謂之交摺凡本日所奉

樞垣記畧

卷十四

六

諭旨及所遞片單鈔釘成冊按日遞添按月一換謂之清
檔凡發交之摺片由內閣等處交還及彙存本處者每
日爲一束每半月爲一包謂之月摺以上皆按日常行
之事謂之班務均責成直日章京檢覈無訛始將現年
隨手現季清檔月摺及各種存貯要件收入櫃中直日
者親手題封謂之封櫃過是則以次散直若散直後有
驛遞奏摺續到隨時

召見軍機大臣者各章京亦卽成集祇候其未奉

召見軍機大臣毋庸進 內者則直日章京將所到摺件

開明省分及拜發月日封稟各軍機大臣凡在城時各章京兩班間日輪直每班直日各二人分班輪算周而復始直日卽兼直夜於直務畢後退食於方畧館至次日寅時首先入 內俟次班到齊會同接摺後始行交班謂之該夜班若在 圓明園則每四日爲一班謂之該園班每班直日亦二人分班輪算與在城同直務畢則聚居於外直廬所謂七峯別墅者也凡直日者爲本班不直日者爲幫班凡園班於第四日散直後不直日者聽其陸續入城惟達拉密與本班必留宿以俟次日

樞垣記畧

卷十四

七

交班謂之不截尾凡園班恭值

上進宮在每班之第五日則帶直一日爲五日班若在每班之第六日則仍於第五日換班凡扈從 行在兩班章京輪流出派以本年秋圍合次年春圍爲一班凡扈從之前扈回之後例得輟直或數日或數十日皆視道里之遠近爲輟直之久暫令不扈從之班連日趨直謂之圖塔密凡扈次週

駢蹕日期謂之音德密皆於隨手簿中註明凡恭週南郊大祀

上於先一日莅

壇者軍機大臣入直於

西天門外直廬章京各帶短几坐褥列坐帳房中畧如扈從之儀謂之壇班凡壇班皆兩班相間輪直不在常直之數若適值應到之班則謂之壇班遇本班各章京皆蟒袍補服策馬而來

送馮郎中從軍赴滇序

雲南總督楊應琚嗜功肇釁弗能馭將帥於是緬甸跳跟蠢動入蓋達掠隴川攻圍猛卯諸土司境

樞垣記畧

卷十四

八

聖天子軫念荒服赫然以怒

詔明瑞以將軍攝總督事帥師進討將啓行謀擇僚佐大學士傅公既令河南開歸道穆諾親陝西興漢道錢受穀先乘遽赴永昌且擇於軍機房之屬奏以戶部郎中馮光熊及傅顯偕行余惟古來幕府之職多矣惟裴晉公征淮西以馬總爲行軍司馬以韓愈李正封爲從事所辟皆一時賢才號爲極盛然吳元濟以鬻童阻命近在淮西去京師千里而近四境皆唐土地督各節度使合攻之此猶狐豚腐鼠雖微李愬元濟不日可縛故晉公之奏功也易而

馬總韓愈輩相得而益彰今緬酋所居在徼外三四千里負西南大海阻以林巒劃以炎瘴昔元兵至強悍也所過無不剗滅三伐緬僅責其貢賦以還蓋用力於無可用之區是以其難如此惟明公以勇兼仁智又得馮君輩個儻有計畧人助之以殺敵爲果以止戈爲武知其難以圖其易則決策也必有節而奏膚功也必速予辱與二君子游喜其志同道合知燕喜而飲至也亦必不遠矣於其行因書以贈之

錢澧文一首

樞垣記畧

卷十四

九

奏請

救軍機大臣進止仍循舊章摺子

臣伏覩我朝設立軍機處向來大臣與其職者皆萃止其中用以集思廣益仰贊

高深地一則勢無所分居同則情可共見卽如司員咨事畫稿亦得有定所而無殊歧誠盡善不易之法也乃觀近日惟大學士阿桂一人每日止軍機處大學士和珅或人止於內右門內舊許大臣暫止之廬或卽止於隆宗門外近造辦處之廬大學士王杰則入止於南書房尙

書畫誥同之尙書福長安則止於造辦處每日惟

召見時聯行而入退則各還所處雖亦有時暫至軍機處而事過輒起一切咨事畫稿司員未免趨步兩歧以我皇上乾行之健離照之明大小臣工戴德懷刑決不至因此啓角立朋黨之漸然行之萬世無弊實莫過於率由舊章况 內右門之內相近 禁寢向來因有 養心殿帶領引

兄之事須先一刻預備

恩加大臣不令與各官露立是以設廬許得暫止不應於樞垣記畧

卷十四

十

未辨色之先一大臣入止而隨從軍機司員亦更入更出爲日旣久不能不與內監等狎熟萬一有無知如高雲從者雖立正刑辟而所絀已多杜漸自宜及早至 南書房以備

幾暇顧問俟軍機事件旣畢入未爲遲若 隆宗門外直廬及造辦處則各色應差皆得覘聽於外大臣於內辦事亦屬未便請

敕諸大臣仍照舊規同止軍機處庶匪懈之忱各申五夜協恭之誼共勵一堂其 圓明園辦事亦同一體近日和

珙福長安止於 如意門外南順牆東向之廬王杰董誥
止於 南書房之處並請

敕禁止謹奏

管世銘文二首

鶴半巢詩集序

國家初制章疏票擬主之內閣軍國機要主之議政處其
特頒

詔旨由 南書房翰林院視草自雍正初年設軍機處領
以親重大臣復選庶官之敏慎者爲滿漢章京襄其事機
樞垣記畧 卷十四
要章奏皆下焉

十一

詔旨有明發有密寄由大臣面奉指揮具稿以進自是內
閣票擬特尋常吏事而政本悉出機庭兼議政視草而一
之其初節目寬簡甲日撰稿許乙丙而進御一二大臣實
自主之在直章京特分司繕寫登記檢查交發之事前此
隸斯職者如趙璞函文哲王蘭泉昶趙雲崧翼申笏山甫
並得於政事之暇從容賦詠藻耀一時近者

聖天子文德武功光昭式廓理大物博恐易卽於恬嬉用
益勵精圖治未辨色軌問兵部驛報及四方賚奏有卽取

以入或不待進膳

批閱已竟隨

召大臣

諭意出則分令諸章京撰草人各一通或數人共成一通
送大臣詳酌未竟中使已絡繹輩催篇幅較長者必三四
人分行繕正僅而竣事又繕畢未進並進後復有

諭改日或至於再三其他奉

命稽牒檢案加簽貼說及與各衙門聯事如詳議條奏讞
訊疑獄召至紛投刻期待報率以日晡爲常或繼燭留門

樞垣記畧

卷十四

十一

而後出其派出專辦非信宿所能得當者雖例許番休之
日亦襍被在公不敢歸私寓問家事焉其中豪傑非常之
士久於其地未嘗不資以開廣見聞練習吏事因而入與
鈞衡出膺節鉞獨於風雅之道寂焉無聞蓋緣意不並銳
卽素擅慧業靈光亦委靡疲茶消歸烏有就使結習已深
未忍便廢而當衆舉其職獨應對蹇滯孺寫窘率少年英
果羣以鈍漢目之其人亦旋自悔忸不復措意猝遇牽率
酬應亦如塵絃澀指彈不成聲豈人才不如昔哉由積漸
使之然也同年馮玉圃給諫直機庭者二十餘年每分撰

詔草退然未嘗與人爭先及遇詞頭填委亦卽引紙不讓灑灑數百言曲中事情而通達政體同列推服當軸者或不能加點屬稿旣畢仍偕衆人治雜事又充方畧館提調兼總纂凡經進之書獨自刊削校正並若無其事者然余固已心服其有過人之量矣其爲諸生時已耳其詩名追同年同直請之輒辭以輟業蓋以所處旣非言詩之地所值又未必皆可與言詩之人慎重而不輕出也久之始示以鶴半巢詩一編爲近年並直機庭所著受而讀之則擴情感事俯仰古今皆穆如清風之音溫柔敦厚之旨舉山

林臺閣之習而一空之又烏自知爲身處承明與聞機要哉余旣歸其集不能自已附綴數言以贈之並略誌機庭之緣起與前後職役機會繁簡寬迫之不同俾後之讀是集而論其世者有所考其似余之不竟所學罔藉是以解嘲而玉圃之雅量汪汪不可清濁亦卽見其所得於詩者獨深匪僅余之鈍漢汗流僵走不可追攀卽曩時王趙諸君子從容諷詠以適其事者亦或未能易地而爲之也

答友人書

來書言鄉人中多有譏僕簡傲者僕與人交親疎在心不

在述蓋吾鄉之官於京師者率十數人爾在時僕爲中書舍人多暇數日輒過其舍非有所親也今或一二月一見三四月一見亦非心有所疎也內直之班

上在宮則日入直在 圓明園則八日中往直四日有奇比歸之三日入刑部署者二日入方略館者一日過是則又須應 圓明園之直其有造吾門而見十不得一二且閱數日乃得往報以是騰衆人之議然公事使然謂僕居要地恃勢簡傲者蓋不足與辨曲禮言不妄說人孔子謂君子易事而難說如以微逐爲說入之具僕年四十餘矣樞垣記畧

卷十四

十四

方欲仿古人所行招之不來麾之不去何肯酒食徵逐以希衆人之意乎

方維甸文一首

陳謝

恩召入直軍機摺子

竊臣維甸謹將奉到

諭旨詳悉述告臣母恭聆

恩命驚喜感泣令臣扶掖叩頭並諭以

天恩高厚汝當勉力報効不可因我衰老以私廢公等語

竊臣受

恩至重未効涓埃前歲赴任閩中因老母不能迎養去秋
在熱河仰蒙

垂問瀝奏微忱凡臣不能遽達之私衷先荷

聖明俯鑒

特頒回籍養親之

旨俾遂門間倚望之情感戴

生成恩同覆載今春自浙回籍母子朝夕相依臣母日誦

佛號頂戴

樞垣記畧

卷十四

五

聖慈衰親服食得安皆出

三恩所賜茲因軍機漢大臣需人

特召微臣俾參樞務渥荷

溫綸之褒獎備叨溢分之殊榮並蒙

睿慮周詳訓詞諄切念臣母衰年遠涉

敕沿途照料其起居恐臣母戀子難離並

巡幸亦免其扈從凡此

優容之異數寔臣子罕邁之遭逢自顧何人得邀

體卹入微至於此極縱使捐糜頂踵亦不足稍報

鴻施惟察着臣母身體去歲腹疾雖已痊愈而精神恍惚之症每日卯後午前總有數次陽衰氣怯迥非數月前可比聞臣片刻出門亦必百端疑慮前因臣入山祭掃稟明往返兩日臣母亦以為應往迨至次早已忘前語轉疑臣患病不起失聲悲慟終日未嘗進食迨臣趕回見面始得釋然自此以後跬步不敢他出清晨初覺時即須見臣侍側否則疑慮生悲勸慰不解臣私揣臣母似難力疾遠行然身受非常

恩渥又不敢陳情固請戰慄兢惶五中迷瞶不知所爲伏
樞垣記畧
卷十四
去

恩諭准令將臣母身體情形據實具奏是以不揣冒昧聲敘瑣屑實情瀆陳

天聽臣不勝悚懼待命之至

樞垣記略卷之十五

誥授中憲大夫分巡江南淮海河務兵備道單機章京臣梁章鉅

雜記一

國朝武功赫濯軍令嚴明四征不庭無不恪承

謨略初置議政大臣以叅承軍事籌畫自雍正初年以來復設辦理軍機事務處凡當

命將出師征剿情形皆令以郵函直達

聖神燭照洞悉機宜軍機大臣承

旨書宣帥臣等仰憑

樞垣記畧

卷十五

授算所至悉奏膚功兵部之職不過稽覈額籍考察員弁

而已欽定歷代職官表

欽定歷代職官表分目悉準今制凡長貳僚屬具列焉

明綱紀也其兼官無正員而所掌綦重如軍機處之類亦

別有專表崇職守也四庫全書提要

謹按今武英殿本歷代職官表無軍機處一明謹附

識於此以俟再考

軍機處本內閣之分局國初承前明舊制機務出納悉

關內閣其軍事付議政王大臣議奏康熙中

諭旨或命南書房翰林撰擬是時南書房最爲親切地如唐翰林學士掌內制雍正年間用兵西北以內閣在太和門外倖直者多慮漏洩事機始設軍需房於隆宗門內選內閣中書之謹密者入直繕寫後名軍機處地近官庭便於

宣召爲軍機大臣者皆親臣重臣於是承

旨出政皆在於此矣直廬初僅板屋數間乾隆初年始改建瓦屋然擬

旨猶軍機大臣之事先是雍正年間皆張文和公爲之後
樞垣記畧

卷十五

二

文和公以汪文端公長於文學特薦入以代其勞金川用兵時皆文端筆也國書則有舒文襄公大司馬班公蒙古文則有理藩院納公皆任屬草之役迨傅文忠公領揆席滿司員欲藉爲見才營進地文忠始稍假之其始不過短幅片紙後則無一非司員所撰矣文端見滿司員如此而漢文猶必自己出嫌于攬持乃亦聽司員代擬相沿日久遂爲軍機司員之專職雖

上亦知司員所爲其司員亦不必皆由內閣凡部院之能事者皆得入而員數且數倍于昔此軍機前後不同之故

事也

詹曠雜記

軍機處有 廷寄凡機事慮漏泄不便發抄者則軍機大臣面承後撰擬進呈發出卽封入紙函用辦理軍機處銀印鈐之交兵部加封發驛馳遞其遲速皆由軍機司員判明於函外曰馬上飛遞者不過日行三百里有緊急則另判日行里數或四五百里或六百里並有六百里加緊者卽此一事已爲前代所未有機事必頒發而後由部行文則已傳播人口且驛遞遲緩探事者可僱捷足先驛遞而到自有 廷寄之例始密且速矣此例自雍正年間始其

樞垣記畧

卷十五

三

格式乃張文和所奏定也軍機印存 大內需用則請出用畢卽繳進自用兵以來軍報旁午日或數起難於屢請屢繳故每請印出則鈐就封函數百以便隨時取用而封函無專員收掌不免狼籍遺失宜專派一員登記月日數目庶更爲慎重也

同上

軍機撰擬

諭旨向例撰定後於次日進呈自西陲用兵軍報至輒遞入所述者亦隨撰隨進或遇

巡幸在途馬上

降旨傳文忠面奉後使軍機司員歇馬撰繕馳至頓宿之行營進奏原不爲遲也然此營至彼營七八十里必半日方到而兩營之間尙有一尖營以備

聖駕中途稍憇者國語謂之烏墩司員欲誇捷遂倉猝繕就急飛馳至烏墩進奏名曰趕烏墩斯固敏速集事然限於晷刻究不能曲盡事理每煩

御筆改定云

同上

上每晨起必以卯刻長夏時天已向明至冬月纔五更也時同直軍機者十餘人每夕留一人宿直舍又恐詰朝猝事非一人所能了則每日輪一人早入相助謂之早班率以五更入平時不知

聖躬起居自十二月二十四日以後

上自寢官出每過一門必鳴爆竹一聲余輩在直舍遙聞爆竹聲自遠漸近則知

聖駕已至 乾清宮計是時尙須然燭寸許始天明也余輩十餘人閱五六日輪一早班已覺勞苦孰知

上日日如此然此猶尋常無事時耳當西陲用兵有軍報至雖夜半亦必

親覽趣召軍機大臣

指示機宜動千百言余時擬撰自起草至作楷進呈或需

一二時

上猶披衣待也

同上

上每日膳後閱中外奏摺畢以次召見諸大臣最後見軍機大臣詎吏兵等部各以其員引

見見畢日加已皆燕閒時矣或作詩或作畫而詩爲常課日必數首皆用硃筆作草令內監持出付軍機大臣之有文學者用摺紙楷書之謂之詩片遇有引用故事而

樞垣記畧

卷十五

五

御筆令注之者則諸大臣歸遍繙書籍或數日始得有終不得者

上亦弗怪也余扈從木蘭時讀

御製雨獵詩有著製二字一時不知所出後始悟出於左傳齊陳成子帥師救鄭篇衣製杖戈注製雨衣也又用兵時寄信有奉

諭旨硃筆增出埋根首進四字亦不解所謂後閱後漢書馬融傳始得之謂決計進兵也

聖學淵博如此豈文學諸臣所能仰副萬一哉余直軍機

時見詩片乃汪文端劉文正所書其後劉文定繼之由詩片抄入詩本則內監之職迫于文襄供奉則並詩本亦手自抄寫矣

同上

軍機大臣同進見自傳文忠公始

上初年惟訥親一人承

旨訥公能強記而不甚通文義每傳一

旨令汪文端代擬訥公惟恐不得當輒令再撰有屢易而仍用初稿者一稿甫定又傳一

旨改易亦如之文端頗苦之然不敢較也時傳文忠在旁

樞垣記畧

卷十五

六

竊不平迨平定金川歸首揆席則自陳不能多識恐有遺忘乞令軍機大臣同進見於是遂爲例諸臣旣感和衷之雅而文忠實亦稍釋獨記之勞然

上眷倚有加每日晚膳後閱內閣本章畢有所商確又獨

召文忠進見時謂之晚面云

同上

謹按道光二年夏松湘浦太宰緣事出直文秋潭大司空出差黃左田大司農病假曹儷笙相國遂獨對者匝

月亦異數也

乾隆六年冬劉統勳以左都御史奏言尙書公訥親一人

之身兼理數處出入禁闈嚮用方隆屬官既奔走恐後同僚亦避其鋒銚部中議覆事件或展轉駁詰或過目不留出一言而勢在必行定一稿而限逾積月任事過銳處事過嚴殆非懷謙集益推賢讓能之道宜加

訓示俾知省改其所營事務量行酌減免曠廢之虞收贊襄之益又言大學士張廷玉子姓宗族及其姻黨姚氏占仕籍者至數十人此盈滿之候而傾覆之機所伏宜量加裁抑三年內停其遷轉以保全而成就之

旨下部查議並

樞垣記畧

卷十五

七

訓飭訥親如所請

測海集

往時軍機大臣罕有與督撫外吏相接者前輩嘗言張文和公在雍正年間最承

寵眷然門無竿牘餽禮有過百金者輒卻之訥親當

今上初年亦最蒙

眷遇然其人雖苛刻而門庭峻絕無有能干以私者余入軍機已不及見二公時傳文忠爲首揆頗和易近情矣然外吏莫能登其門督撫皆平交不恃爲奧援也余在汪文端第凡書牘多爲作答見湖撫陳文恭伴函不過獐錦二

端闈撫潘敏惠爲公同年餽節亦不過葛紗而已至軍機
司員更無有過而問者聞督楊某被劾入京人各送幣毳
數事值三十餘金顧北墅雲入直詫爲異事謂生平未嘗
見此重餽也王漱田日杏所識外吏稍多扈從

南巡途次間有贈遺歸裝剩百餘金過端午節充然有餘

輒沾沾誇於同列是時風氣如此

簪服雜記

軍機章京非特不當與外吏接卽在京部院官亦少往還
余初入見前輩馬少京兆燥正襟危坐有部院官立階前
輒拒之曰此機密地非公等所宜至也同直中有與部院
樞垣記畧

卷十五

八

官交語者更面斥不少假被斥者不敢置一詞云同

鄂文端公自西路經略歸仍直軍機處

上命戶部尙書海望爲治第凡什器必具已報齊矣

命昇堂上凡視之以爲竄敗

召海望切責海望叩首請易乃止聞府中無圍圍又

命以藩邸小紅橋圍賜公爲別業而中分其半爲軍機房

小倉山
房文集

癸丑殿試後三日

憲皇帝御懋勤殿閱卷將原擬第三卷改第一卷第五卷

改第三卷及啓彌封則第一卷係會元陳倓第三卷則張若靄也

上大喜時廷玉在直廬辦事

遣內侍諭曰爾子張若靄取中探花矣特告大學士知之廷玉驚懼失措免冠叩首懇辭數四內侍轉奏未蒙俞允復奏請面見啓事仍免冠叩首繼以泣下

上憐其愚忱乃命改爲二甲第一名副引

見新進士若靄得照榜眼探花例一體授翰林院編修次日又奉

樞垣記畧

卷十五

九

旨 在軍機房行走隨伊父教導若靄辨明而入及暮而歸抄錄

諭旨收貯檔案頗稱勤慎其非交辦之事廷玉固不言若靄亦不敢問也甲寅秋軍機大臣入見各

賜洋漆匣端硯一方又

特賜若靄一研又

顧諸大臣曰張若靄品量好朕甚嘉之是冬

御書福字以次面賜廷臣最後至若靄

上大笑曰今日乃寫福字第一日也汝父得第一幅汝得

最後一幅無意中有此恰好事豈非吉祥之徵乎

聖心之屬望如此

澄懷
園集

畢誼字元復婁縣人寄籍天津康熙五十七年進士由咸安宮教習授內閣中書乾隆元年設總理事務處滿漢四人人直誼與焉數議 國家大典禮及大政事淹雅精確政府毘倚之在臺垣前後章奏二十餘上皆洞中機要鄂文端爾泰嘗論當世人才畢某奏議今之陸敬輿也在軍機多年謹慎練達號稱職金川之役傅忠勇恒欲奏授叅贊以年老辭出爲鳳陽道頗著聲績以事鑄級事白以主

樞垣記畧

卷十五

十

事銜充平定金川方略館纂修

松江府志

福州林青圃先生名枝春以中書選直軍機處素工書法敏捷無訛文詞尤風發泉湧時值

世廟升遐軍機房諸事填委先生目瞶手抵肆應曲當遇一切大典禮有不可須臾緩者閣臣必以相屬曰非某某未易猝辦一時有能手神手之譽踰年遂登鼎甲爲名翰

林

鈞遊
叢話

胡寶琛初名金蘭字泰舒始自歙縣遷于婁縣生有神兆資稟異人雍正元年舉於鄉乾隆二年試授內閣中書大

學士鄂爾泰選直軍機處六年秋大學士查郎阿兵部侍郎阿里衮奉

命相度奉天三省地形請以同行時適隨

駕校獵卽由木蘭徧歷諸部至盛京過吉林渡松花江轉至黑龍江再轉至甯古塔又遍閱諸邊及春而還共二萬二千餘里橫穿側出於冰霜風雪中覽其形勝辨其土宜自以爲極域外之大觀也會舉御史查郎阿疏名以上時已遷內閣侍讀旋授福建道御史歷遷順天府丞十三年王師剿金川大學士傅恆爲經略以寶瓌從行日馳

樞垣記畧

卷十五

十一

三百餘里尅期告捷寶瓌贊畫功居多

春融堂集

方恪敏公祖若父皆以文字之累謫黑龍江公時尙少歲往來塞外以營菽水之奉奔走南北徒步或數百里數年祖考皆沒公益困然於其間厲志勤學問徧知天下利病人情風俗所當設施遂成爲巨才矣雍正十年平郡王福彭征準噶爾卽奏爲書記

賜中書銜以在乾隆初還京入軍機處累遷吏部郎中出

爲直隸清河道十四年遂授直隸總督

惜抱軒記

謹按方恪敏公父子皆名臣其初皆由樞曹起家後進

仰之如山斗今 圓明園滿章京直房壁間有恪敏墨蹟一紙闊八九十年尙珍護如新也 又按我朝以樞曹爲華選漢章京之以通才碩學爲近臣所薦引九屬省署殊榮其有世家貴冑絀冕相聯與夫初步郎曹旋躋顯座者在滿章京中指不勝屈漢人則什伯之一二矣綜核九十年中可數者如父子同入軍機則有蔣炳子熊冒方觀承子維甸袁守侗子煦梁國治子承福孫士毅子衡趙文哲子秉淵龔禔身子麗正兄弟同入軍機則有劉秉恬弟秉懣陳輝祖弟繩祖金雲槐弟榜

樞垣記畧

卷十五

十一

洪梧弟朴盛惇崇弟惇大先爲章京後爲大臣者則袁守侗孫士毅梁國治章煦皆洊陞卿貳出直復由部院大臣除授吳熊光戴衢亨盧蔭溥則以章京歷兼卿列以至大臣未嘗一日離直者也

程燾字九峯號雲軒乾隆戊午舉於鄉試補中書舍人派軍機處行走蜀有軍旅事公隨經略傅公往以功擢兵部武選司主事轉員外薦御史充方略館纂修官同部用兵以素嫻軍務授洮岷道歷升湖北巡撫左遷太僕寺卿再入軍機扈從木蘭得疾告歸

兩浙輜軒錄

程公以戊午舉人補中書軍機處行走遷武選司主事以御史用出爲甘肅洮岷道奏母老改江南驛鹽道歷官至陝西巡撫湖北剪辮獄起降江西布政使入京補太僕寺卿以病免公性樸直專曳任氣有所懷雖權貴前必達其意任兵部事繁誤軍機處倮直之期傅忠勇公謂人曰九峰久不來想戀兵部耶如彼處樂可不必再來軍機公聞之怫然曰兵部軍機皆國家事相公不當分畛域之見程燾才拙僅能料簡一處無分身法卽遣人往軍機處取直宿行李忠勇公笑曰人言九峯戀九峯又慙耶然其言甚樞垣記畧

卷十五

三

正曷爲我挽留之同事者再三云公始在公所任事務先難從傅忠勇公平金川從大司馬舒公赫德觀兵滇黔再從陝甘總督黃公廷桂平定伊犁經由葉爾羌阿克蘇地方繩行沙度二萬餘里心計手畫不知渴饑諸大臣倚賴甚重而

上亦因是深知公

小倉山房文集

曹錫寶字鴻書乾隆六年順天舉人試中書在軍機裏行

與同直武進莊培因齊名

松江府志

上海曹劍亭侍御由軍機章京觀察山右鐫級歸復在

四庫書館効力考證黃發成議敘與王介子方伯皆以國子司業候補未得缺遂官御史以劾和坤家人劉全見風

節焉

梅門詩話

諸重光以舉人考授中書直軍機受知於傅文忠時王

師進討伊犁繼平回部軍書旁午重光晝夜入直傳宣調

發大臣倚若左右手

兩浙輶軒錄

申君笏山以乾隆七年考授中書九年在軍機處行走歷官至副都御史仍直軍機處凡三十餘年中更戡金川討準夷平定回部軍書旁午日不暇給君帶星而入比夜而

樞垣記畧

卷十五

西

歸爲

聖王所深知宰臣所倚任與胡巡撫寶瓌蔣侍郎炳同至於奉

命起草每奏進必當

上意政事填委手批口授皆能明晰曠洞中機要則二

君或不逮焉

春融堂集

汪文端公於乾隆十一年以刑部尙書兼署都察院左都御史旋入直軍機處丁卯戊辰之間金川方用兵羽書旁午恭承

睿謨廣運燭照萬里之外指授方略日數千百言文端視
草援筆立就無不當

上意

松泉文集

陸朗夫風儀秀整靜氣迎人在樞垣儼直至於日晡猶不
退猝有急務立辦以故大學士傅文忠公屢薦公

上亦知公深凡

巡幸處俱令扈從

小倉山房文集

王蘭泉先生以丁丑召試中書協辦侍讀戊寅入直軍

機房充通鑑輯覽纂脩同文志纂修兼校經咒館戊子充

樞垣記畧

卷十五

五

續三通館纂修因兩淮鹽運使提引事發與趙君升之坐
言語不密罷職時緬甸未靖阿公桂爲定邊左副將軍知
先生學問請以從

詔許之辛卯阿公罷溫公福代之移師四川溫公復請以
行遂與趙君升之王君丹宸偕發永昌是年

賞給主事隨四川軍營辦事洵升至吏部郎中丙辰金川
蕩平凱旋五月初五日得

旨吏部郎中王昶久在軍營著有勞績著陞授鴻臚寺卿
賞戴花翎在軍機處行走是時科甲出身

賜花翎者惟大學士金壇于公及先生而已己亥以都察院左副都御史外用河南布政使戶部尙書梁公國治言在軍機房久多聞舊事請留庚子隨扈

南巡差次授江西按察使丙午秋以雲南布政使入覲

蒙

詢問歷來軍機密事及前于文襄公當國狀戊申調江西

布政使己酉春陞刑部右侍郎

春融堂集

乾隆癸未余以內閣中書直軍機處時

法駕春則上

樞垣記畧

卷十五

六

陵秋則校獵無不橐筆以從而方恪敏公時爲直隸總

督首先迎

駕每行在

召見畢輒與相見蓋公爲內閣前輩又直軍機最久爲余

平時所景慕其後十五年又與公之子葆巖方伯先後

直軍機處乃得讀公薇香燕香兩集凡若干卷

同上

乾隆庚辰會試未揭曉前一日鎮洋宮保畢公與同年諸

君重光童君鳳三皆以中書直軍機諸當西苑夜直日未

長諸君忽語公曰今夕須湘衡代直公問故則曰余輩尙

善書倘獲雋可望前列須同寓偃息并候榜發耳湘衡書法中下卽中式詎有一甲望耶湘衡者公字也語竟二人者徑去不顧公不得已爲代直日晡忽陝甘總督黃廷桂奏摺發下則言新疆屯田事公無事熟讀之時新疆甫開上方欲興屯田及殿試發策新貢士卽及之公經學屯田二策條對獨詳核遂由擬進第四人改第一諸君次之童

君名第十一

更生齋文集

趙君升之兩放會試未得列館職而書局總裁歷舉公分脩平定進塢噶爾同部方略通鑑輯覽一統志及未成之音

樞垣記畧

卷十五

七

韻述微鑑古輯覽熱河志諸書且俾總校均集日程課公又以其間寅入酉出保直草詔令賦詩談讌俱不廢或賣文以佐祿入所不逮去年四庫全書館局開一時績學之士多入翰林賜進士其與公同獲罪者皆起而公積軍功稍遷遇變又不爲同行者之苟免設公舉禮部必不直軍機不直軍機人知公學之博說之長而不知才之足倚以決事卽一言不密又非出有意退而授徒著書亦足以開益於人而傳於後乃援薦援留輾轉再四至以身殉爲

可哀矣

白華文集

趙君升之以壬午 召試中書癸未充方略館纂修官甲申直軍機房大學士劉文正公劉文定公今大學士于公皆嗟異其才戊子秋侍講學士紀公及中書徐步雲洩兩淮盧運使事君與昶牽連得罪會兵部尙書阿公桂以定邊右副將軍總督雲南貴州請以余兩人堂書記

詔許之

春融堂集

孫文靖公雖風裁山峻而貞不絕俗受人誣諉必委曲爲諛刻意憐才雖一介之士輒與抗禮故事京師士大夫在軍機者例不見客不答拜獨公反其所爲與故舊周旋宴

樞垣記畧

卷十五

六

飲如平生歡

小倉山房文集

王日杏字丹宸癸酉舉人授內閣中書入直軍機處歷遷戶部郎中出守貴州大定府緣事鐫職復起爲刑部主事入直如故三十六年從西軍入川與趙文哲同在幕府軍

潰格賊死之

贈光祿寺少卿

金川瑣記

樞垣記略卷之十五

樞垣記略卷之十六

誥授中憲大夫分巡江南淮海河務兵備道前軍機章京臣梁章鉅

雜記二

秦樹蔣君在軍機處行走嘗總辦方略一書方略者載西事始末自車楞烏巴什阿睦爾撒納欵關以來至禽瓦齊耆定伊犁爲正編其先後誅大小和卓木回部悉平經理西南屯田諸務爲續編中間歷時五年闢地二萬餘里端緒先千百事實人名累譯而後具館中用車載箱致君家冊檔充屋莫能竟其首尾君早起坐書室夕燒膏以繼肌

樞垣記畧

卷六

一

分孔決終始一貫午食列盤殮或不暇啜寒則以火酒數杯自溫比竟茫如也書成久之而君之精殆銷亡於此矣書旣上同修者皆得優敘而君名已卒不與館中諸公議欲如故侍讀楊公述曾贈銜例爲之請已而未果此亦君之命也夫

朱笥河文集

趙生雲崧官中書舍人入直樞要

詔命奏劄援筆立就無不中窾會余深倚其飲助然生不

自以爲能退直之暇益沈思旁訊以古作者自期

松泉文集

辛巳殿試閱卷大臣劉文正公劉文定公皆軍機大臣也

是科會試前有軍機處行走之御史眭朝棟上一封事請
複試迴避卷

上意其子弟中有會試者慮已入分校卽應迴避故預爲
此奏乃

特點朝棟爲同考官而令於入闈時各自書應迴避之親
族列單進呈則眭別無子弟而總裁劉文正于文襄應迴
避者甚多時

上方南巡啓蹕時曾密語劉于一公留京王會試疑語泄
而眭爲二公地也遂下刑部治罪部引結交近侍例坐以

樞垣記畧

卷六

二

大辟於是軍機大臣及司員爲一時所指摘且隔歲庚辰
狀元畢秋帆榜眼諸桐與皆軍機中書故蜚語上聞有歷
科鼎甲皆爲軍機所佔之說及會試榜發而余又以軍機
中書得雋傳文忠爲余危之語余不必更望大魁而余以
生平所志在此私心終不能已適兩劉公又作閱卷大臣
慮其以避嫌擯也乃變易書法作歐陽率更體兩劉公初
不知已列之高等及將定進呈十卷文定公慮余卷入一
甲又或啓形迹之疑及遍檢諸卷意必得余卷置十名外
彼此俱可無累及檢一卷獨九圈當以第一進呈文定公

細檢疑是余文正公覆閱笑曰趙雲松字迹雖燒灰亦可
認此必非也文定又謂遍閱二百七卷無趙雲松書則必
變體矣文正又覆閱謂雲松文素跡跡不羈亦不能如此
謹嚴而文定終以爲疑恐又成軍機結交之局兆將軍惠
時方奏凱歸亦派入閱卷自陳不習漢文

上諭以諸臣各有圈點爲記但圈多者卽佳兆公果用數
圈法而惟余卷九圈餘或八或五遂以第一進呈

上是日閱十卷幾二十刻見拙卷係江南人第二胡高望
浙江人且皆內閣中書而第三卷王杰則陝西籍因

樞垣記畧

卷六

三

問本朝陝西曾有狀元否皆對云未有遂以王卷與翼互
易焉傳臚之日一甲三人例出班跪余獨挂數珠

上陞座遙見之後以問傅文忠文忠以軍機中書例帶數
珠對且言昔汪由敦應奉文字皆其所擬

上心識之明日

諭諸大臣曰趙翼文自佳然江浙多狀元無足異陝西則
本朝尙未有今當西師大凱之後王杰卷已至第三卽與

一狀元亦不爲過也

詹曠
雜記

余直軍機時直舍卽在軍機大臣直廬之西僅屋一間半

又逼近 隆宗門之牆故窄且暗後遷於對面北向之屋
凡五間與滿洲司員同直則余已改官不復入直矣扈從
木蘭時戎帳中無几案率伏地起草或以奏事黃匣作書
案而懸腕書之夜無燈檠惟以鐵絲燈籠作座置燈其上
映以作字偶縈拂輒蠟淚汗滿身非特戎帳中爲然木蘭
外有 行宮處直房亦如此惟多一木榻耳余歸田後值
歲庚子

上南巡余恭迎於宿遷見 行宮之軍機房明窗淨几華

裱繡毯當筆者倚隱囊欹而坐頗顧盼自雄余不覺爽然

樞垣記畧

卷六

四

失也

同上

傅文忠公不談時文而極愛才余直軍機時最貧一貂帽
已三載毛皆拳縮如蝟一日黎明公在 隆宗門外小直
房獨呼余至探懷中五十金授余囑易新帽過年時已殘
臘卒歲資正缺五十金遂以應用明日入直依然舊帽也
公一笑不復言嗚乎此意尤可感已

同上

陳雲根侍御名朝礎爲德泉京兆哲嗣濡染家學熟諳掌
故以內閣侍讀兼軍機行走臨事敏決爲宰臣所倚重吾
閩八十餘年來京宦之直樞廷者自青圃通政而後雲根

一人而已

鈞遊叢話

乾隆二十七年

天子巡幸江南嚴道甫侍讀以獻賦授內閣中書初任後卽奏充方略館纂修官以書局在內廷許懸數珠中書

在書局得懸數珠自此始也

潛研堂文集

嚴道甫在軍機時嘗扈從木蘭大雪中失橐駝並所裝物求之不獲越一日一人牽橐駝而至且謝罪乃故軍機蘇拉緣事遣配者問何以知爲吾物曰軍機官披羊裘者獨公一人今篋無他裘非公而誰問旣竊何以復還曰恐公

樞垣記畧

卷六

五

寒耳勞以錢而遣之

同上

上嘗問傅文忠公軍機章京可用者傅公對曰人才可用者多若有守有爲可繼胡寶琮者嚴長明一人耳長明內直日久諳悉典故尤務持平允雲南糧儲道羅長浩虧銅廠銀萬一千兩又分賠屬員汪大鏞銀一千兩有

旨加罰十倍逾限卽正法羅已納十有一萬矣仍有分賠銀六萬未完而限垂滿呈乞展限

詔下軍機大臣與刑部查辦時劉文正公掌刑部方主會試入闈諸公相視莫能決適有行在宣諭軍機大臣事

長明卽詣貢院搥鼓求見因從容曰羅觀察之限已迫俟
公出闈已無及矣其所欠者分賠屬員之項昨見吏剖櫬
汪大鏞赴補直隸屬員旣邀寬釋且得官而上司乃坐極
刑可乎卽於袖中出請寬限稿求畫押劉公義而許之長
明出以示諸公列銜會奏果奉

俞旨令汪大鏞分繳欠項而羅得出獄

同上

嚴道甫在軍機凡七年通古今多智又工于奏牘諸城劉
文正公最奇其才大金川之爲逆也大學士溫敏往督師
欲君從行君固辭退有咎君奈何違宰相意者君曰是將
樞垣記畧

卷去

六

敗沒吾若何從之人頗甚君言旣而溫公卒致軍潰以死
隨往者皆盡

惜抱軒集

嚴東有直軍機鳴鞭珥筆時扈屬車然荷衣蕙帶輒志

江湖晉侍讀後卽以病歸

湖海詩話

馮君星實之直軍機也機禁重臣倚君爲重有大獄必委
君方臨清王倫之亂其黨有梵和尚者旣就訊刑部將悉
逮寺僧梵又妄稱倫黨數千具有書冊將並治之君以連
染衆持不可事遂寢其誣枉者皆得釋蓋君於事務持大

體如此

小峴山人文集

乾隆三十年

南巡周君青原 召試一等

賜舉人授中書旋入軍機處辦事一夕內直

上偶問得君名歎曰此吾南巡時所得江南才子也時大臣無不欽重君者君兩會試未第條詿吏議年纔逾三十耳當君之得過以人有來探事者君對不知後其人得罪引君及同直軍機者實皆未泄密也更有與軍機官相惡者卽以不嚴斥探者傳重比鑄級其後與君同罪者復進用至卿貳而君獨遠跡都門身一見枉終放廢以至於老

樞垣記畧

卷去

七

天下惜之

惜抱軒集

章公二梧於乾隆三十四年經傅文忠公選入軍機處行走公固書生而軍機司員常彙筆扈從每遇

六飛巡幸公據鞍馳驟如所素習委任叢雜未嘗遺忘嘗充方略館纂修兼提調各館纂修專任一書獨方略館以樞臣總領於事無所不當問館書無不彙集而提調專司

出入稽考勤惰公尤平允冠其先後

切問齋集

阮吾山侍郎博聞強識嘗直機廷故於朝章國典尤所熟洽著茶餘客話十六卷戴煎塘太常刻其半人多以未見

全帙爲憾也

梧門詩話

孫君永清以乾隆己丑會試取授內閣中書舍人旋入直軍機房撰擬悉當大學士劉文正公于文襄公倚若左右手三十八年遷內閣侍讀

鑿輅時巡恆在扈從常以要事騎而馳

上遙識之曰此軍機處孫某也馳驟若是孰謂南人止能坐船耶四十四年擢御史明年遂晉右副都御史八月授貴州布政使不次之擢益異教也方子自四川歸以鴻臚寺卿與君同直軍機又四年子由副都御史按察江西君

樞垣記畧

卷六

八

實補其缺故予二人相得爲最深云

春融堂集

陸君耳山以壬午召試中書充方略館纂修官時方奉勅修通鑑綱目輯覽君編撰以進當

上意遂直軍機處

同上

上海陸君錫熊爲文不假思索在軍機時適用兵金川夜半嘗傳

旨七道援筆立成擬進無一字易

孝聖憲皇后賓天凡大祭殿奠上

尊諡典禮嚴重應奉文字無敢屬筆者于文襄特舉以屬

之松江府志

公以丁亥三月選入軍機處襍被直宿經旬不歸每遇

國家行慶大典禮制詔所宜皆出公手嘗蒙

恩賜

硃批上諭全部以微臣而沾重賚益異數也以陞宗人府

主事引

見

上命前跪劉文正公曰此人學問甚優會四庫館開以薦

司總纂校錄而兼內直日無暇晷癸巳八月得

樞垣記畧

卷六

九

旨改翰林院侍讀即援例辭軍機諸同事皆欲攀留劉文

正公曰翰林職在文章陸君雖去此其倚藉正不少也

陸錫熊副憲行述

毛羅照官舍人時喜為人作畫畫尾綴以小詩頗具風格

後直軍機處簪筆趨公不受促迫矣

梧門詩話

謹按今 圓明園軍機堂之西軒壁粘山水畫幅巨紙

卽羅照舍人筆也

張君訥軒之成進士也其文稍異於時磨勘幾被黜金壇

于文襄公獨才君薦為明紀綱目纂修官書成授中書在

軍機處行走

小峴山人文集

楊荔裳於乾隆四十五年 召試金陵行在

賜舉人授內閣中書閱數年入直軍機處會廓爾喀會長
侵犯西藏福嘉勇公爲大將軍奏以荔裳從行廓爾喀距
碣門萬八千里荔裳以書生從事自星宿海而外所歷懸
崖絕壑險阻非人境層冰山積人馬驚墜而荔裳枕戈浙
劍著紙若飛旣成事撰文紀功勒石而還

賜花翎除侍讀再擢而至甘肅布政使

同上

相傳洪素人在軍機時某相國問曰汝向人說我剛愎自
樞垣記畧

卷六

十

用有之乎曰然相國怒曰汝是我門生乃謗我乎謝曰老
師只有一愎字何曾有剛字門生因師生之誼故妄加一

剛字耳

梧門詩話

陸伯焜少以詞賦稱及入軍機留意朝章典故金壇于文

襄倚重之

松江府志

婺源王景南通副居官恪敬吏事在中書嘗直軍機處在
刑部嘗總辦秋審處皆躬任勞苦不急求人知所建議皆

當理

惜抱軒集

程維岳字愛廬由中書歷御史行走軍機十餘年爲阿文

成公所倚重充 萬壽盛典館提調兼方略館總纂 盛
京通志遼金元史 南巡盛典薩拉爾臺灣巴勒布等紀

略皆與編纂事

松江府志

愛廬少承香樹先生指授以詩文負異儕偶珥筆機廷奏

進文字多其撰擬

梧門詩話

胡君時顯以軍功得官雖歷九卿侍從未嘗一日得立於
朝方其以主事入直軍機也

純皇帝悉君才行大用矣忽以言語忤要人卽日斥出要
人所以扼君者不遺餘力而君之所以抗要人者亦幾不

樞垣記畧

卷六

十一

留餘地焉卒至不安於位東西走軍營而其以公事抗員
子抗經略者復如故亦可謂百折不變者矣

更生齋文集

昆明錢南園先生爲御史時參奏山左撫臣國泰驕縱無
度病國殃民

高廟命偕大臣往訊得實遂以敢言擢通政司叅議洵升
至通政使司副使督學湖南會湖南童生有匿喪應考者
又有首告違礙書籍者爲巡撫浦霖所劾部議甚嚴

上省之以主事用旋補員外郎數日復授湖廣道御史時
大學士和珅方用事在軍機不與諸大臣同處辦事當時

無敢言者先生獨具奏摺數百言請

赦軍機大臣進止仍循舊章

上覽奏切責諸大臣謂所奏甚是卽命在軍機處行走和
珅甚怒故以艱巨試之皆迎刃而解益爲和珅所忌是年
九月以疾卒論者惜之余在史館撰和珅傳欲將此疏序
入徧緝紅本不得移牒於內閣軍機處索之仍不得蓋和
珅用事時早滅其跡矣茲於陳孝廉履和處得之因亟采

入焉

滇南采
風錄

錢君南園始以御史奏山東巡撫國泰穢亂

樞垣記畧

卷六

七

高廟命和珅偕君往治之君在道衣敝和珅持衣請君易
君卒辭和珅知君不可私干故治獄無敢傾陂得伸國法
其後君擢至通政使司副使督學湖南時和珅已大貴媒
嬖其短不得乃以湖北鹽政有失鑄君級君旋遭艱歸服
終補部曹

高廟知君直更擢爲御史使直軍機處君復奏和坤及軍
機大臣常不在直之咎有

詔飭責謂君言當和珅益賺君而

高廟知君賢不可譖則凡軍機勞苦事多以委君君家貧

衣裘薄嘗夜入幕出積勞成疾以殞方

天子仁明綱紀猶在大臣雖有所怨惡不能逐去第勞辱之而已而君遭其困顧不獲遷延數寒暑留其身以待公論大明之日俾國得盡其才用士得盡瞻君子之有爲

也悲夫

惜抱軒集

余同年友陽湖蔣君熊昌字澄川以才雋仕爲戶部郎直軍機處出守潁州府凡八年有政績以事被議歸里卽不復出

同上

青城山人於四十二年正月入軍機處行走七月充平定

樞垣記畧

卷六

三

兩金川方略館纂修官除日

賜御書福字及鹿鹿風羊野雉冰魚諸物四十三年五月閣臣以公勤愼奏聞奉

旨關槐賞令卽補實缺不必挨次以示鼓勵因補內閣撰文中書七月扈從興京塗次撰擬祭北海神文畫雲壑松崖畫卷進呈蒙

加獎賜內務府五色文錦一疋內廷染翰供職自此始次黃旗堡又

命畫北鎮醫無閭山等圖嗣後懋勤殿交辦書畫之件

無間抵 盛京與吳公熊光同奉

旨恭查 歷朝法物及征明時弓矢甲冑之屬旋充 大

清一統志纂修 盛京通志纂修四十四年秋隨扈 木

蘭入崖口遇雨山水陡發供帳不至經危嶺峻谷下臨寨

河公單騎夜行有獸竄林麓出馬驚逸遂溺於河賴一蒙

古卒吏入水援之四十五年

南巡駐蹕江南靈巖山

命寫竹爐山房圖時山人以就禮部試留京

旨下左右以未經扈從對因寄寫焉太常卿劉公謹之有

樞垣記畧

卷六

十四

紀事一絕云窈窕靈巖展畫圖青旗翠輦麗仙都侍臣合

有丹青筆好向山房寫竹爐及榜發中式額駙福公隆安

又爲奏聞

青城山人集

霜林秋色圖縱七尺橫二尺二寸設色畫層巒疊翠萬樹

丹黃

御製詩注云關槐任中書時在軍機處司員行走曾扈蹕

木蘭目所親見故能繪其景凡題款九十七字詩載

御製詩五集

同上

乾隆丙午公以戶部山東司主事隨章佳文成公讞浙閩

獄文成公留意人才虛中好士遂陰識公及還京適機廷
之人特舉入直公力辭不獲而後應機廷會同刑部讞獄
輒以相委歲無虛月癸丑擢浙江道監察御史向例軍機
司員入蘭臺不供御史本職公請都察院事仍聽輪派焉
雅好制藝文字通籍後猶時時爲之俛直 圓明園四日
始得休沐就正之文積案頭雖應酬雜選筆札紛煩必先
改定畢然後他及或以爲何太自苦則曰此吾數日來片
刻樂境何云苦耶

管世銘侍
御行述

乾隆末年阿文成公與和珅不相能凡朝夕同直軍機必

樞垣記畧

卷六

五

離立十數步外和珅亦知公意故就公語公亦泛答之然
未嘗移立一步公嘗臥直廬軍機章京管世銘入省之公
素所厚也忽呼語曰我年八十可死位將相

恩遇無比可死子孫皆已佐部務無所不足可死所忍死
以待者實欲俟犬馬之意得一上達死乃不恨然竟不果

更生齋
文集

韞山以經師爲詩人晚直機廷公卿謝表多倩爲之典贍

明達一時無兩

梧門
詩話

汪容甫云寶谷轉運早列詞館游更華省入直樞地出掌

外臺精力絕人五官並用晝理簡牘夕誦文史部分如流

觴詠多暇綽乎神仙中人也

朋舊詩錄

裘可亭公弱冠受仕入直 內廷舊聞前典博覽強識詞

頭宣底手筆允副躬膺

知遇鉅艱重仔歎歷中外終始如一

裘行簡靜宜室詩集序

嘉慶十有六年方葆巖尙書自總督浙閩告歸奉母吳太

夫人養病於江南之里第夏四月有

詔召入爲軍機大臣於是奏以臣之母不能頃刻離臣

又不能奉老年病軀之母疲曳就道懇辭

樞垣記畧

卷六

天

新命

上聞憫而俞可乃輟召而加賜珍物以助其孝養之忱焉

惜抱軒集

方勤襄公始生時恪敏公正總制畿輔彌月之辰恪敏適

扈從 行在面陳後復攜抱入 覲 賞賚駢蕃及勤襄

旣長

賜官中書所聘雲南裴撫軍女尙未娶會引

見蒙

垂詢命金壇于相國傳示裴中丞甫畢姻焉旋以歸寧滇

南又有

旨下直隸制軍沿途促返

殊恩寵眷亙古所稀勤襄於庚子會闈中式榜發適病明年辛丑殿試成進士改吏部充軍機章京遷轉臺諫洊陟副憲

特差巡按長蘆鹽政迥非常例後歷撫陝西晉督閩浙以太夫人年逾八旬陳情養親回籍未幾召爲軍機大臣

溫綸婉摯至渥極隆勤襄復以母病懇辭母終遂以哀毀

樞垣記畧

卷六

七

卒於家

桐城科名錄

謹按方勤襄行狀云年十八入京

賜舉人內閣中書軍機處行走又五年成進士是勤襄先以內閣中書入直而此敘於成進士之後充章京殊未核也

自雍正間以軍機處領政事常置重臣其下以內閣中書舍人入中給事由舍人入者後雖累遷或至二三品不出於今六七十年頗參擇他曹矣要惟舍人爲本初於京朝官最名華要非通敏乘時才略之士無由以入其人而有

軍機來者處士大夫間往往衣冠笑語望而可識惟余與秦君小峴交八九年彌久而未始覺其身之在樞要也

淵雅

堂文集

小峴工古文辭曾直樞庭喜考核中朝掌故有所得輒筆

之於書政暇丹鉛著錄手不停披蓋學者也

梧門詩話

沈舫西名琨字兼山由京畿道御史出守泰安閱三年引

疾歸其為中書舍人與余同直軍機以京察上考例選

佛山同知心弗願也會奉諱歸服闋仍供職內庭游擢御

史復與余同官余南還而君任外郡不得見者數年君歸

樞垣記畧

卷十六

六

後往來吳越間則吾兩人皆已老矣

馮培撰傳

公初直軍機處以京察授廣東同知旋以憂歸服闋入都

阿文成公文端公交章保留仍直軍機先後簪筆樞垣

幾二十年每歲灑河淀津盤山盛京五臺時巡諸大

典咸得扈從凡有視草數千言倚馬立就公餘不廢吟詠

唱酬之外每恭逢恩賚及身歷名勝諸區必以詩紀其

盛焉

沈琨太守行述

余直南齋時秦小峴錢裴山二君每五鼓在禁中即橐筆

相見其時小峴裴山皆直軍機處也及余視學來浙適小

峴觀察杭嘉湖裴山亦在杭州嘗以雨後招遊西湖余有
句云共舒中禁燈前目來看西湖雨後山

定香亭
筆談

童萼君文筆華贍肄業成均時余卽以璠璣之器目之特
行文矜重 廷試交卷過遲違例未與鼎甲世論惜之旋

選入機廷亦足展其所學矣

梧門
詩話

樞垣記略卷之十六

卷去

九



